

書名 廣文選八十二卷 嘉靖
十二年序刊本
撰者 明 劉節 輯
卷 卷七十七
內容分類 集-總集-詩文
索書號 大木-集部-總集類-3
編號 D7920300

卷七十七



廣文選卷第一

彩色首頁1

東洋文化研究所漢籍目錄 編號: D7920300

東洋文化研究所漢籍目錄所藏漢籍善本文影像資料庫 索書號: 大木-集部-總集類-3

漢籍善本文影像資料庫文本 廣文選八十二卷 嘉靖十二年序刊本

版權所有: 東京大學 東洋文化研究所

使用上的注意事項

惟自然之初載兮道虛無而玄清太素紛以溷淆兮始
有物下而混成何元一之芒昧兮廓開闢而著形爾乃清
濁剖玄黃判離太極既殊是生兩儀星辰煥列日月
重規以尊地靜以卑昏明迭炤或盈或虧陰陽協
氣而寒暑隨時而推移三才殊性五行異位千變
萬化庶類授之以形稟之以氣色表文采聲有音
律復言

天地賦

成公子安



明通議大夫都察院右副都御史大庾劉節廣

平三年正月甲子不祿國人乃相與論德處謚列石作
銘其辭曰
皇矣先生懷德惟明優於春秋玄嘿有成知賤為貴與
世無爭渾德衡門禮義滋醇窮下不苟知我者天身歿
聲鬯千載作珍縣之日月與金石存

廣文選卷第七十六

江都葛潤校

廣文選卷第七十七

明通議大夫都察院右副都御史大庾劉節廣

碑文四

童子逢盛碑

童子諱盛字伯彌薄令之玄孫遽成君之曾孫安平君
之孫五官掾之長子也胎懷正氣生克自然俯育孩嬰
弱而能言至於垂髫晉惠聰折過庭受試退誦詩禮心
開意審聞一知十書畫規矩制中園椀日就月將學有
緝熙才亞后橐當為師楷自天生授固不在初謂當珥
遂令儀令色整齊珪角立朝進仕究竟人爵克啓厥後
以彰明德胤嗣昭達何宓李世顯天不惠伯彊涇行降
此大矣年十有二歲在協給五月乙巳嚙喻不反友隕

精是苗而不秀命有脩短無可柰何慈父悼傷割哀回
鯉其十二月丁酉而安措諸未潛黃壚沒而不存於是
門生東武孫理下密王升姜感愾三成一系列同義故共
刊石叙述才美以銘不朽其辭曰
嘉慈伯彌美授其姿在克岐嶷聰敏達當遂焉迺立
旆建基時非三代符命無恒人生在世壽無金石身潛
名彰顯於後葉

巴郡太守樊敏碑

君諱敏字升達肇祖必戲遺苗后稷爲堯種樹舍潛于
岐天顧亶甫乃萌昌發周室衰微霸伯匡弼晉爲韓魏
魯分爲楊充曜封邑厥土河東樹漢之際或居于楸或
集于梁君續其緒華南西置濱近聖禹飲汶茹方總角
好學治春秋嚴氏經晉究道度無文不睹於是國君
禮招請濯冕題踊傑立忠蹇有夷史之直卓密之風鄉
黨見歸察孝除郎未昌長史遷宕渠令布化三載遭離
母憂五五斷仁大將軍辟光和中中京師擾攘碓狐綏
綏冠履同囊投袂長驅畢志枕立國復重察辭病不就
再奉朝聘十辟外臺常爲治中諸部從事舉直錯枉譚
思舊制彈鬻糾貪務鉅民穢患苦政俗喜怒作律案罪
殺人不顧倡儼告子屬孫散若此者不入墓門州里僉
然號曰吏師季世不稗米巫魘瘡續蠢青羌姦狡並起
陷附者衆君執一心賴無汙耻復辟司徒道隔不往牧
伯劉公二世欽重表授巴授巴郡後漢中秋老乞身以
助義都尉養疾閭里又行褒義校尉君仕不爲人祿不

爲已栢栢大度體蹈箕首當窮台緄松僑協軌八十有四歲在汁洽紀驗期臻奄旬臧形凡百咸痛士女涕泠臣子褒術刊石勒銘其辭曰

於戲與考經德炳明勞謙損益耽古儉清立朝正色能無撓廩威恩御下持滿億盈所歷見慕遺歌景形書載俊艾股肱幹楨有物有則模楷後生宜叅鼎鉉稽建皇靈王路阪險鬼方不庭恒戢節足輕寵賤榮故闕大選而損陪臣晏嬰邶殿留侯距齊非辭福也乃辟禍兮

亂曰演元垂闕岳瀆闕二兮金精火佐寔生賢兮闕欲救民德彌大兮遭遇陽九百六會兮當闕遐季今遂逝兮嗚呼哀哉魂神闕兮

金鄉長侯成碑

君諱成字伯盛山陽防東人也其先出自幽岐周文之後封于鄭鄭共仲賜氏曰侯厥胤宣多以功佐國要盟齊魯嘉會自邠因以爲家焉漢之興也侯公納英濟太上皇於鴻溝之阮謚曰安國君曾孫輔封明統侯光武中興玄孫霸爲臨淮太守擁兵從光武平定天下轉拜執法右判姦五威司命大司徒公封於陵侯枝葉繁茂或家河洧或邑山濟君則上黨太守之弟幼履慈孝之德長執忠謇之操治春秋經博綜書傳以典籍教授滋滋履真安貧樂道忽於時榮敬上接下温故知新翹節建志冠於群倫孝友內著仁義外宣郡請署主簿督郵五官掾功曹守金鄉長即家假印綬君介心如石不易其志判史嘉其高名辟部東平泰山治中役事君獻精

謙虛委蛇衡門以禮膺桓名德可尊行顯身隱縣輿養
神聖人制命曰仁常存今胡不然喪此國偉君年八十
一建寧二年歲在己酉四月二日癸酉遭疾而卒嗚呼
哀哉於是遐邇士仁祁祁來庭集會如雲號哭發哀泣
涕汎蘭將去白日歸彼玄陰同盟必至縞素填街存存
顯名終有遺勲魂如有靈嘉斯寵榮於是儒林衆彙惟
想邢景乃樹立銘石以揚淑美其辭曰

於穆君德姿履正平乾皇所挺應符如生耽藝樂術怡
忽世榮虛位禮請介然不傾壽非南山不俟河清梁木
圯頽鴻儀催零昆嗣切剥哀慟感情乃銘乃勒億載永
寧

漢故金城守殷君碑

衛伯儒

君諱華字叔時上郡定陽人大匠君之子也其先出
有殷因國寔氏不改其號聖哲玄流至君而懿幼膺瓊
蘭之美長有沖邈之志敦詩說禮韜韜竹賁誕循前業
守以恪恭仕歷州郡忠諤有聞其大操也眈眈虎視龍
變不羈故能雄傑於并域聲班於上京察州孝廉貢除
郎中左馮翊丞協宣文物公事知州舉茂才宛丘令崇
行寬猛示之禮禁褒延庠校政以惠和三載陟隕邪臨
金城郡障羗虜避難遷移役兼民匱室如懸磬乃敷權
略獎厲威信儼抗率服不敢窺踰兵戢而時動因省獵
以習義興利弭患順其所樂開通狹道造作傳館吏士
咸悅不勞而勸是以縉紳之徒譚講雅誦釋軍旅之犀
革陳俎豆於泮宮其艾檐軫旌顯才良咨量三壽賞罰

不僭邦場寧靜歲時豐登耆叟擊壤童龀謳謔功庸顯
列當升寵祚天不憖遺景命失靈以光和元年九月乙
酉卒官生有嘉休終則鼎銘於是故吏邊竺江英韓緒
等追送遐丘刊石勒勛其辭曰

於惟明后懷德握醇昆台之耀秀出不群文昭有毅武
烈能仁含舒憲墨以育生民垂紀東壤西國著勛身歿
名流載世常存古之遺老非此孰云于爾臣思續其臭
芬

漢蕩陰令張君碑

君諱遷字公方陳留己吾人也君之先出自有周周宣
王中興有張仲以孝友爲行披覽詩雅煥知其祖高帝
龍興有張良善用蕭何在帳幕之內決勝負千里之外
析珪於留文景之間有張釋之建忠弼之謨帝遊上林

問禽狩所有苑令不對更問嗇夫嗇夫事對於是進嗇
夫爲令令退爲嗇夫釋之議爲不可苑令有公卿之士
嗇夫喋喋小吏非社稷之重上從言孝武時有張騫廣

通風俗開

闕一

畿寓南苞八蠻西羈六戎北震五狄東

勒九夷荒遠旣殞各貢所有張是輔漢世載其德爰旣
且於君蓋其纏綿纘戎鴻緒牧守相係不殞高問孝弟
於家中謇於朝治京氏易聰麗權略藝於從畋少爲郡
吏隱練職位常在股肱數爲從事聲無細聞徵拜闕一

中除穀城長蟄月之務不閑四門膺正之際休囚歸賀

八目英民不煩於鄉隨就虛落存恤高年路無拾遺黎
種宿野黃巾初起燒平闕一市斯縣獨金子賤孔蔑闕

二道區別尚書五教君崇其寬詩云愷悌君降其恩東
里潤色君垂其仁邵伯分陝君懿干棠晉陽珮建西門
帶弦君之體素能雙其助流闕一基遷蕩陰令吏民頡
頎隨送如雲周公東征西人怨思奚斯讚魯孝父頌段
前喆遺芳有功不書後無述焉於是刊石整表銘勒萬
載三代以來雖遠猶近詩云舊國其命惟新

於穆我君既敦既純雪白之性孝友之仁紀行來本蘭
生有芬克岐有兆綏御有助利器不覲魚不出淵國之
良幹垂愛在民幣沛棠樹溫溫恭人乾道不繆唯淑是
親既多受祉未享南山干祿無疆子子孫孫惟中平三
年歲在攝提二月震節紀日上旬陽氣厥拊感恩舊君
故史韋萌等僉然同聲僱師孫興刊石立表以示後昆
共享天祚億載萬年

漢郎中鄭固碑

君諱固字伯堅著君元子也含中和之淑質履上仁闕

孝友著乎閨門至行立乎鄉黨初受業於歐陽遂窮

究千典籍膺游夏之文學襄冉季之政事弱冠仕郡吏

諸曹掾史主簿督郵五官掾功曹入則腹心出則爪耳

忠以衛上清以自脩犯類謬譖造脍詭辭加以好成方

類推賢達善遠遁退讓當世以此服之邦后珍璋以為

儲舉先屈計椽奉我闕貢清眇冠乎群彥德能簡乎聖

心延熹元年二月十九日詔拜郎中非其好也以疾固

辭未滿期限從其本規乃遘凶愍年四十二其四月廿

四日遭命隕身痛如之何先是君大男孟子有楊鳥之

才善性形於岐嶷關二見於垂髫年七歲而夭大君夫

人所共哀也故建關共墳配食斯壇以慰考妣之心琦

璵延以為至德不紀則鍾鼎奚銘青姬字關二武第述其

兄綜字關四行於蔑陋獨曷敢忘乃刊石以旌遺芳其辭

曰

於惟郎中寔天生德願親誨弟處恭竭力教我義方導

我禮則傳宣孔業作世模式從政事上忠以自勗貢計

王庭華夏歸服帝用嘉之顯拜殊特將從睢意色斯自

得乃遭氛災隕命顛沛家失所怙國關忠直俯哭誰訴

仰號焉告嗟嗟孟子苗而弗毓奉我元兄脩孝罔極魂

而有靈亦歆斯勒

陳君碑文

邯鄲子叔

君諱紀字元方太丘君之元子也始祖有虞受禪陶唐

亦以命禹其後媯滿當周武王時祚土于陳君其世也

君生應乾坤之純質受嵩岳之粹精內包九德外兼百

行淵深淪於不測瞻智應於無方弘裕足以容衆矜嚴

足以正世然後研幾道奧涉覽文學凡前言往行竹帛

所載靡不坐該其善也豐豐焉其誘人也是以令聞廣

譽塞于天淵儀形嘉誨範乎人倫存乎本傳故略舉其

著於人事者焉顯考以茂行宗冠先儔季第亦以英才

知名當世孝靈之初並遭黨錮俱康于家號曰三君故

得奉常供養以循子道親執饋食朝夕竭歡及太丘君

疾病終亡喪過乎哀朋傷嘔血如此者數焉服禮既除

戚容彌甚聞名心嬰言及隕涕雖太舜之終慕魯參之

自盡無以踰也豫州刺史嘉懿至德命勅百城圖畫形
象于今遺稱越在民口既處隱約潛躬味道足不踰闕
乃覃思著書三十餘萬言言不務華事不虛設其所交
釋合贊規聖哲而後建旨明歸焉今所謂陳子者也初
平之元禁罔蠲除四府並辭弓旌交至雖崇其禮命莫
敢屈用大將軍何進表選明儒君為舉首公車特徵起
家拜五官中郎將到遷侍中旬有八日出相平原會孝
靈晏駕賊臣秉政肆其兇害剝亂宇內州郡幅裂戎輿
並戒君冒犯鋒矢勤恤民隱馴之以禮教示之以知耻
視事未朞士女向方會刺史敗於黃巾幽冀二州爭利
其土君料敵知難不忍其民為已致死乃辭而去之於
是老弱隨慕板轅持轂輪不得轉遂晨夜間行寓於

郊之野表術恣睢僭號江淮圖覆社稷結婚已布斯事

成重必不測救君諗布不從遂與成婚送女在塗君為
國深憂乃奮策出奇以奪其心卒使絕好追女而還離
逃姦謀使不得成國用又安君之力也唯帝念功命作
尚書令會車駕幸許拜大鴻臚實掌九儀四門穆穆遂
登補袞闕以熙帝載不幸寢疾年七十有一建安四年
六月卒惜乎懷道處否登庸日寡實使大業不究元勳
靡建茲海內所為嗟悼凡百所以失望也天子愍焉使
者弔祭群卿以下臨喪會有子曰群追惟蓼莪罔極之
恩乃與邦彥碩老咨所以計功稱伐銘贊之義遂樹斯
石用監于後其辭曰

於穆上德時惟我君固天縱之天鍾厥純命世作則實

紹斯文遭險龍潛抗志浮雲所貴在已樂存事親雖處
畎畝天子屢聞乃階即將陪帝作鄰平原冠深遂辭其
民思齊古公邠土是因不忘諗國惠我無垠復命味舌
秉國之均爰登卿士媚茲一人如何穹蒼不授遐年數
厥在位每懷不申股肱或虧朝誰與詢梵梵小子號泣
于旻勒銘表德久而彌新

漢廬江太守范府君碑

君諱式字闕八功存有夏寔曰御龍闕昨商周世昭其

隆晉主夏明有士會者光演弘謨翼宗霸業錫邑命族

闕為范氏則其後也君稟靈醇之茂度體玄亮之殊高

徽柔懿恭明允篤恕九德靡爽百行淵備弘道軌藝恢

韜墳籍探蹟研機固深不八若乃立德隆豐樹節實真

志諒足以弼國篤友足以輔仁用能昭其洪懿聲充宇

甸接華彥於汝墳潤枯苑於荆漢超管鮑之遐蹤信靈

諱乎炳煥是以闕化泉流芳闕鴻舊耀仁闡於權輿濟

俗侔乎皇訓群公偉焉弓旌盈路再讓考闕二三府舉

高第侍御史拜冀州刺史糾剔瑕慝六教允施翰飛肅

於鷹揚典刑闕二軌闕帝闕其勲遷廬江太守擬泰和

以陶化昭八則以隆治彌闕弘略惠訓亡倦闕二協闕三

字齊闕二清源之深閱寶疏氏之至順以疾告辭韜光

潛耀誅琴詩以寧闕九其猶充洽外內寔紹德之奧數

而儀民之淵表也未亮三事闕三終闕六常山相暨子

汜孫而胤嗣罔繼粵青龍三年正月丙戌縣長汝南薛闕七
感靈墀之不饗思隆懿模以紹奕世乃與縣之碩



儒咨典謨之中闕同宗闕三之胃昭告祖考俾守厥祀

本著宣融之祚人神協休茂之慶焉禮也於是鄉闕

字上計椽翟循州部泰山從事史翟邵等僉以為君雖

輝名載籍光颺前列而靈墳亡闕儀問靡述遂相與略

依舊傳昭撰景行刊銘樹墓以聲百世其辭曰

於昭上德實唐之胤誕表靈和蹈規履信窮神周覽祇

道之訓邁德徽猶鴻漸闕舊穢彼夸毗實此醇懿以文

會友以仁翼闕敷化濟殖群生以遂未言思孝民之攸

暨如何昊天不信其軌明德不報胤亡紀爰輯訓典詢

爾髦士育茲赫以求遐祉詒厥孫謀耀千萬祀

魏大饗碑

惟延康元年八月旬有八日辛未魏王龍興踐祚規恢

鴻業權亮皇基萬邦統世忿吳夷之凶暴滅蜀虜之僭

逆于赫斯怒順天致罰舊虓虎之校簡猛銳之卒爰整

六軍率匈奴暨單于烏桓鮮卑引弓之類持戰百萬控

弦千隊玄甲曜野華旗蔽日天動雷震星流電發戎備

素辨役不更藉農夫安疇尚不變肆是以士有拊譟之

驩民懷惠康之德皇恩所漸無遠不至武師所加無強

不服故寬令西飛則蜀將東馳六旆南徂則吳黨委質

二虜震驚魚爛嗜潰將汜自三江之流方軌叩來之阪

斬吳夷以染鉞血蜀虜以釁鼓曜天威於遐裔復九圻

之疆寓除生民之災孽去聖皇之宿憤次于舊邑觀釁

而動築壇壝之官置表著之位大饗六軍爰及譙縣父

老男女臨饗之日陳兵清涂慶雲垂覆乃備俾禦整法



駕設天官之列衛乘金華之鸞路建升龍於大常張天
狼之威弧千葉風舉萬騎龍驤威靈之飭震曜康衢既
登高壇蔭九增之華蓋處流蘇之帷坐陳旅酬之高會
行無筭之酣飲干酒波流沓丞陵積磬師設縣金奏讚
樂六變既畢乃陳祕戲巴俞九劍奇舞麗倒衝夾踰鋒
上南踰高舩鼎緣橦舞輪擿鏡騁狗逐兔戲馬立騎之
妙技白虎青鹿辟非辟耶魚龍靈龜國鎮之恠獸壞變
屈出異巧神化自卿校將守以下下及陪臺繇圍莫不
歎淫宴喜咸懷醉飽雖夏啓均臺之亨周成岐陽之猋
高祖邑中之會光武舊里之宴何以尚茲是以刊石立
銘光示來葉其辭曰

赫王師征南裔舊靈威震天以外吳夷讐蜀虜竄區夏青
八荒艾幸舊邦設高會皇德洽洪恩邁刊金石光萬世

制命孔羨爲宗聖侯奉家祀碑文 曹子建

惟黃初元年大魏受命胤軒轅之高蹤紹虞氏之遐統
應曆數以改物揚仁風以作教於是輯五瑞班宗彝鈞
衡石同度量秩群祀於無文順天時以布化既乃緝熙
聖緒昭顯上世追存三代之禮兼紹宣尼之後以魯縣
百戶命孔子二十一世孫議卽孔羨爲宗聖侯以奉孔
子之祀制詔三公曰昔仲尼負大聖之才懷帝王之器
當衰周之末無受命之運在魯衛之朝教化乎洙泗之
上栖栖焉皇皇焉欲屈已以存道貶身以救世於是王
公終莫能用之乃退考五代之禮脩素王之事因魯史
而制春秋就太師而正雅頌俾千載之後莫不宗其文

以述作仰其聖以謀咨可謂命世大聖億載之師表者也遭天下大亂百祀墮壞舊居之廟毀而不脩褒成之後絕而莫繼闕里不聞讓誦之聲四時不睹蒸嘗之位斯豈所謂崇禮報功盛德必百世祀者哉嗟乎朕甚憫焉其以議卽孔羨爲宗聖侯邑百戶奉孔子之祀令魯郡脩起舊廟置百戶卒吏以守衛之又於其外廣爲屋宇以居學者於是魯之父老諸生遊士睹廟堂之始復觀俎豆之初設嘉聖靈於髮髯想禎祥之來集乃慨然而嘆曰大道衰廢禮樂絕滅三十餘年皇上懷仁聖之懿德兼二儀之化育廣大包於無方淵深淪於不測故自受命以來天人咸和神氣氤氳嘉瑞踵武休徵屢臻殊俗解編髮而慕義遐夷越險阻而來賓雖太皞遊龍以君世厲氏儀鳳以臨民作禹命玄宮而爲夏后西伯由岐社而爲周文尚何足稱於大魏哉若乃紹繼微絕興脩廢官疇咨稽古崇配乾坤况神明之所福作宇宙之所觀欣欣之色豈徒魯邦而已哉爾乃感般人路寢之義嘉先民泮宮之事以爲高宗僖公蓋嗣世之王諸侯之國耳猶著德於三頌騰聲於千載况今聖皇肇造區夏創業垂統受命之日曾未下輿而褒美大聖隆化如此能無頌乎乃作頌曰

煌煌大魏受命溥將繼體黃唐包夏含商降釐下土廓清三光群祀咸秩靡事不綱嘉彼玄聖有赫其靈遭世霧亂莫顯其榮褒成旣絕寢廟斯傾闕里蕭條靡韶靡馨我皇悼之尋其世武乃建宗聖以紹厥後脩復舊堂

豐其薨宇莘莘學徒爰居爰處王教旣新群小遘沮魯道以興未作憲矩洪聲豈遐神祇來和休徵雜遝瑞我邦家內光域區外被荒遐殊方慕義搏拊揚歌於赫四聖運世應期仲尼旣沒文亦在茲彬彬我后越而五之垂於億載如山之基

曹娥碑文

邯鄲子叔

孝女曹娥者上虞曹盱之女也其先與周同祖末曹荒流爰茲適居盱能撫節按歌婆娑樂神以漢安二年五月時迎五君逆濤而上爲水所淹不得其屍時娥年十四號慕思盱哀吟澤畔旬有七日遂自投江死經五日抱父屍出以漢安迄于元嘉元年青龍在辛卯莫之有表度尚設祭誄之辭曰爵伊孝女薛薛之次女偏其反而令色孔儀窈窕淑女巧笑倩兮宜其家室在治之陽大禮未施嗟喪慈父彼蒼伊何無父孰怙訴伸告哀赴江未號視死如歸是以眇然輕絕投入沙泥翩翩孝女載沉載浮或泊洲渚或在中流或趨湍瀨或逐波濤千夫失聲悼痛萬餘觀者填道雲集路衢泣淚掩涕驚慟國都是以哀姜哭市杞崩城隅或有尅面引鏡務耳用刀坐臺待木抱樹而燒於戲孝女德茂此儔何者大國防禮自修豈况庶賤露屋草茅不扶自直不鏤自彫越梁過宋比之有殊哀此貞厲千載不渝嗚呼哀哉辭曰名勒金石質之乾坤歲數歷祀立廟起墳光于后土顯昭天人生賤死貴利之義門何帳華落飄零早分艷艷窈窕末世配神若堯二女爲湘夫人時效髣髴以昭後



昆

魏散騎常侍步兵校尉東平太守碑

嵇叔夜

先生諱籍字嗣宗陳留尉氏人也厥遠祖陶化於上世而先生弘謨於後代詩所載阮國則是族之本也先生承命世之美希達節之度得意忘言尋妙於萬物之始窮理盡性研幾於幽明之極和光同略群生莫能厲也確乎不可拔當塗莫能貴也或出或處與時升降或默或語與世推移望其形者猶登嶽涉海蕩然無以究其高測其深覽其神者猶旁璞親珪肅然無不欽其實而存其奇也不屑夷齊之潔故其清不可尚也不履思連故其道不可屈也據援昇降於卷舒寤武去就於愚智顧盼一子不亦泰如危宗廟之據安不靈之龜無孤犢之逼而有塗中之廣觀屈穀鳴鴈是以處下才之間察巨瓠緯帶是以遊有用之際夸天辨而御之以訥資大白而洿之以厚一作辱為無為而名不能累也事無事而世不能役也訪垂天之翼於寂寞之域投芒刀之穎於有解之會固恢恢必有餘地豈若接輿被張以養生於陵灌園以求實齷齪近步脩一作循軌轍而已哉尼父議老成於遊龍衛賜譬重仞於日月揆之先生其殆庶幾乎方將攀逸駕於洪涯懇遐軌於巢州跨宇宙以高挹凌雲霄以優游享年如干遘病而卒於是遠鑒之士有識之徒先生之沒夫豈不慨然臨豪傑而存惠之問運斧斲而思郢人之力乃探頤索隱以叙雅操使

將來君子知莊生之跡略舉其志埤之曰我我先生天
挺無欲玄虛恬淡混濟榮辱盪滌穢累婆娑山足胎胞
造化韜蘊光燭鼓棹滄浪彈冠嶠岳頤神太素簡邁世
局澄之不清溷之不濁翺翺區外遺物庶俗隱處巨室
反真歸漠汪江淵源邁跡圖錄

車騎將軍賀婁公碑文

庾子山

昔者軒丘命氏初分兄弟之性若水降居始逮諸侯之
國自是以官爲族因地爲宗水派移分其可知矣公諱
慈字元達本姓張清河東武城人也仕於周張仲爲孝
友謀於晉張彥爲賢臣韓有開地則五世強國趙有孟
談則三卿不戰祖慶少習邊將憑仗智勇雖復五車竹
簡不取博士之名一卷兵書即以將軍自許角端在手
必無齊魯之侵蓮花插腰甚得蛟龍之氣爲車騎大將
軍儀同三司散騎常侍霸城縣開國伯贈河州刺史父
璨公子公孫有鎡基於天下良弓良冶有世業於家風
書則百家可知劍則千人可敵三槐以鵠鼎象物知其
神姦五等以桓珪旆疑瑞守其宮室君以才望兼而受
之終於使節車騎大將軍儀同三司散騎常侍武定縣
開國公贈河州刺史 乘山岳之靈受星辰之氣年在
髻髮甫就勝衣竹馬來迎已之名於郭及羊車在道即
見賞於王澄豈直童子明經書生說卦而已至如禪河
清論秋水高談故以辨折龜林聲馳鹿野國家官族君
爲首姓起家車騎大將軍儀同三司襲爵爲公增邑合
一千六百戶弱冠登朝傳呼甚寵漢魏台鼎故無此





中朝方伯罕有其年大冢宰任愬機衡是勤王略惜君
 忠壯委以爪牙乃領左廂親信出梁州防主華陽西
 極漢水東流巴濮既寧沉黎即靜保定四年王師北伐
 以君驍勇被召將兵師下宜陽身登函谷將燒白馬之
 城以覆烏巢之壘既而中途甚雨未獲圍原軍師聞喪
 不成侵宋柱國趙王今上之第九弟也文則河間上書
 武則任城置陣作鎮岷丘揚旆錦水白虎之俗難安黃
 龍之盟不定以君智畧入佐中權天和元年授使持節
 大都督治柱國物府司錄仍轉司馬餘官封如故相如
 西喻鏤石於靈山武侯南征浮船於瀘水方之今日彼
 獨何人九品課工為上之下四年入朝歸事宰旅即受
 載師大夫將命齊國尋盟出境即用和鄰入國聞喪乃
 從會葬之禮可使南面此之謂乎尋以本官入治軍正
 至如渭水兵書在心為志軒丘陣法聚石成圖既得師
 不疲勞兵無怨讟入陪中禁更領儀同邸客城池門闌
 戶籍咸資巡警並用司存帝城近臣公室密戚如逢司
 隸似畏都官既而孤城鄭姬不相其年巴水深翁不醫
 其疾春秋三十有三奄捐官舍呂子明之疾甚歎軫吳
 王阮元瑜之長逝悲深魏主有詔贈某官禮也以建德
 四年三月日歸葬於河州苑川郡之禁山公六郡良家
 西河昂族地壯金行人雄塞氣兵書七卷河水浮來射
 法三篇天弧夜下鋒旗不息刁斗恒驚猶得馬上讀書
 軍中習禮太史子義善於謀策諸葛公休長於撫馭四
 代儀同三司七世河州刺史鍾昂成列冠蓋連陰所謂

生為貴臣死為貴神者也但以遊魂久客反葬途遠道
阻山長妻孤子幼哀聲滿野愁氣連雲况復松檟飄飄
方臨武威之戍丘陵迴遠直對臨兆之城馬授亡於武
溪尸柩返於魏里梁鴻死於會計妻子歸於平陵嗚呼
哀哉崎嶇遠矣昔者繁昌祠前即有黃金之碣德陽墓
下猶傳青石之碑是謂勒功乃為銘曰

七葉佐漢五世相韓忠臣入仕孝友當官青城仙洞黃
石祠壇臺堪走馬書足迴鸞武定風飈霸城嚴肅並馳
雙傳俱分兩竹重世刺舉連鑣袞服草靡青丘風馳赤
谷世不乏賢擬茲上嗣孝有三德忠無二志劔足身挺
書堪面試於節既秉高蟬且珥龜轉印函虵盤綬笥左
右將軍前後常侍縱踵五侯因循三事於旃几坂廬袖
雙流還樞木馬更引金牛江波錦落火井星浮躡酒望
帝安歌蜀侯受脈河陽偏師洛浦署陣成臯連旗廣武
朝兵滅竈夜營多鼓箭起六麋鋒摧九虎倏忽人世俄
然今古崇發兩星繫驚二豎遊魂通夢言反舊塋紫泥
賜冊黃腸贈行途登石紐路入金城寒關樹直秋塞雲
平劔埋合柱書藏鑿楹武侯為廟樂公為社雲蓋低臨
霓裳紛下碑枕金龜松橫石馬未矣身世留名華夏

墓誌

徵君何先生墓誌

簡文帝

先生履玉燭之禎氣應大賢之一期實生而知機撫塵
斯庶敬非習起孝乃因心聚徒教習學侶成群與沛國
劉瓛汝南周顒為友陸璉賀瑒之徒更道北面未明中

王文憲儉受詔撰禮未竟而卒屬在司徒文宣王王以讓先生因廣加刊緝故以含文燕居說六典五恩之義或齊侯所不鎮孟嘉所未知皆折茲大物成此良教小人道長每諷考槃之詩君子道消便執天山之筮乃毀車挂冠拂衣東嶺始居若耶來從秦望今上經綸天地權輿昂業始徵為軍謀祭酒實允文若之舉且光彥先之選又徵特進右光祿大夫高尚其事確乎不拔玄纁徒往東帛虛歸而給白衣尚書祿固辭不受卒窆乎其山正衾在殯嗤鏤器與玉衣堯典入棺耻密章及書綬知與不知並懷惋愴咸以人世素楷禮墜文章洙泗頽經扶風罷學關西疑聖之德自此長淪高松引風之氣於茲未息余昔在殊方亟王翰亦歎風未道之奄歲時既而位阻桂宮漆主再咫尺不獲擁經步至問春卿之病徐輪三反入杜夷之舍痛祥雲之滅采悲列曜之晞暉追勒高鄉乃為銘曰

文範高世玄晏絕倫復有令德遠之與均誰與均此嗚呼哲人第五肥遁餘軌尚遵司空開學其風不泯傳茲孝敬曰悌且仁氣高瓊岳心虛谷神括羽儒囿舟輿席珍既遊慧水兼引法輪談扇猶在鳴琴尚陳如何不勲德素長淪寂寥巖穴荒涼渭濱橋曰隻雞徐稱酌素余欽夫子風期夙著蓄思含毫傳芳寫譽沉礎雖貞玄泉無曙

司空章昭達墓誌

徐陵

周原膺膺佳氣苾苾王業攸興帝圖斯盛在昔光武佐

命鄰縣者鄧侯高祖元臣同郡者蕭相公台輔之量便
著綺紈瑚璉之姿無待雕琢起家爲東宮直前所奉之
君則梁簡文皇帝旣而黑山巨盜馮陵上國白水疆胡
虔劉中夏公傾其產業募是驍雄思報星儲累殲鯨寇
屬幽風有象代邸方降搜荆楚之英才資班輸之妙略
百樓忽起登雲霄而俯臨萬弩俱張隨雷霆而並震揚
兵於九天之上決勝於千里之中殪彼群兇皆無旋踵
陳寶應至懷反叛客引周迪資其食力更事窺窬公奉
詔崇朝飲冰將力前茅後勁步驟奔馳仍同甌閩殄其
窠窟若夫鳴蛇之洞深谷隱於蒼天飛援之嶺喬樹參
於雲日宜越艇而登嶠蒙巖犀而涉江威武紛紜震山
風每於是咸俘僞師悉據高檣爰自倉冥莫不懸人死
而齊人無信將謀郢藩聞艦戈船窺江淹漢公纔聞羽
檄遽稟師期馳襲荆郢應時燒蕩方欲宣威隴汧太討
梁華厲上將之韜光逢中台之掩曜大建三年薨於軍
幕爾乃青烏柏墓白鶴標墳林有逃車樹同華蓋前於
熊軾後乘龍輻介士發三河之民哀鏡同駟馬之曲長
安傳坐恩禮盛於西京襄陽墮淚悲慟喧於南峴

行狀

齊司空曲江公行狀

任彥升

公稟靈景宿擅氣中和一匱初登東嶽之功可監埏埴
在器瑚璉之姿先表豈惟荆南有聖童之目襄城著孔
甫之稱而已哉故以羽儀宗家冠蓋後進路叔之一日
千里北海之稱美共治方斯茂如也志學之年偏治經

紀登隆十載網羅百氏藻斷贍逸蔚為詞宗延賈誼而
升堂攜相如而入室加以翰牘精辯發言有章持論從
容辭無矜尚自河洛丘墟歷載二旬俾我逢掖遂淪左
袵晉宋所以遺恨祖宗是用顧懷公自荷方任志在尅
復將欲使功遂之日身退有所爰乃卜宇金陵縈帶林
壑用辭聊城之賞以為䟽韓之館人謝運往遂輟遠圖

齊司空柳世隆行狀

沈休文

公稟靈華嶽幼挺珪璋清襟素履發乎齟非及長風質
洞遠儀止祥華動容合矩吐言被律時沈攸之狼據陝
西氣陵物上而太祖登庸作宰夫歷在躬攸之播封豕
之情愬令荆之力兕甲十萬鐵馬千群水陸長驚志窺
皇邑公抗威川矣勇略紛云顯海有方出沒無者攸之
乃及於國國親受矢石身擗輿地嚴衝無難雲輅仰
地元斜通半藏晚飡負戶晨汲公綏衆以武應敵以奇
靈鋒電曜威策雲舉事切三版之危氣損九天之就殘
冠外老逆黨內雜焚舟委甲掬指宵遯公風標秀徹器
範弘潤茂乎辭彩雅善鼓琴摛純蔡之高芬纂鍾稽之
妙曲雖嬰拂世務而素業三臨蕩甸五職瑞扇一司百
揆固可以齊衡八凱方駕五臣

廣文選卷第七十七